

興國縣志卷之五

山川

山

按興國諸山見志林道里考者大都徵之載籍得諸目覩間亦詢及輿皂取士俗方言作文章點綴固不必盡採入志也然孔志刪節太多讀者每不滿意茲特加分別凡涉議論考据及類遊山記體裁者概置附論中以備觀覽

蔣志

靈山在清德鄉距縣東十五里即名勝志南康之玉山趙清獻題詩處奇峯怪石瓌麗斑駁象鼻石筍石鐘諸興國縣志 卷之五 山川 一 峯類形肖焉古寺栖其中枕負巨嶂拔地數十仞灌木陰翳半壁一竇中石像趺坐俗謂飛來佛若方竹逕芭蕉洞滴珠泉匹練泉皆山中之幽勝也寺名龍華宋時有鐵船僧自廬山來面壁於此明永樂初唐令子儀作靈山寺記名人題咏甚多

按靈山為邑之名勝張損持太史詩文尤層見疊出足為茲山增色又有楹聯云鳥啼雲竇仙巖靜松織

香梢古道

集

金斗山在大足鄉距縣東十五里發脉方山迤邐至此轟然為縣東巨鎮高一里許赭阜峻嶒自趾達巔石磴



紆迴頂有真武祠西眺城郭井里燦然岫有盧公巖巖下有洗心泉

幃幕山在衣錦鄉距縣東七十里狀類垂簾舊稱簾幙幘明正統間謝內侍乞葬歸里帑帷之盛蔽於林阜因易今名俗訛樟木山

蓮花山在衣錦鄉曹溪里距縣東一百四十里舊傳信國文丞相駐兵開行府處累石爲城基址猶存

蔣志蓮花山高峯矗立疊幘連天鄒公寨五門洞皆其支脉張尚瑗曰袁志鄒公寨在衣錦村有禡牙而雷擊行府匾額之事謝鳳渚郡志亦錄之蓮花山地屬

興國縣志

卷之五

山川

二

衣錦五門洞石礎木柵隅絡鈎連舊傳爲屯兵寨址求督府遺跡者此爲近之損持太史此說蓋以信國行府向無定據或謂在崖石或又以爲在寶石故也蜈蚣山在衣錦鄉距縣東百里峯入雲表坳曲崎嶇山形跂跂類百足蟲故名袁志與永豐志說同通志引陳謨詩前登胡公山似蝘緣壁度作胡公山嘉靖間知縣盧公丈田至此易名盧公山

崖石山在衣錦鄉距縣東八十里絕壁萬仞連亘數十餘里文信國避兵其上後有登者獲鏡與寶劍以歸疑是信國所遺邑人王思軾有文丞相寶劍歌

張尚瑗曰從蕭公嶺迤邐而入溝澗畦町錯於山麓對峙者爲豬嶺牛嶺叢篁密藪莫可指數蜈蚣山與五門蓮花洞螃螬藪皆嵯峨聯屬於四五十里間其腹背與寧都永豐紆互輻輳元末紅巾之亂爲綠林淵藪康熙十三年閩寇盤踞六載十八年撫定始以遊擊駐防今設崖石汛把總一員然地勢深阻實厖司牧之隱憂

諸家山在衣錦鄉距縣東八十里樹木繁陰奇峯嵯峨相傳有石穴仙鬼棲憑人跡罕至蓋元末爲紅巾淵藪康熙間爲閩寇盤踞故舊志云然今村民環居風景固與國縣志

卷之五

山川

三

殊矣

石華山在衣錦鄉距縣百里平巒疊翠怪石嵯峨磊落如畫山麓有菴曇雲鷲嶺恍惚眉睫之間

夜龍山在衣錦鄉距縣百里一峯如筆秀插雲霄錦水遶其下四山環拱爲一鄉之水口

包家山在衣錦鄉距縣一百四十里上有石穴曰透龍窟天將雨則氣上騰至嚴冬則熱氣團結

大嶺山在衣錦鄉間團都距縣東一百八十里東界寧都山高數仞險峻蒼叢村民棲止其上風氣質樸鮮入城市康熙間黃令惟桂丈田至其地直登山頂大書石

壁曰山險心平

方山在太平鄉距縣東北四十里邑之鎮山也其山八面嶄然皆方狀如疊山高十里有仰湖四時水不竭其支脉分方太古逕石源等處各村庄田多沃壤邑中值旱每占山頂出雲輒雨諺曰方山戴笠滿街著屐山旁有巖如屋里人因其靈異祠之趙清獻贈縣令徐師回詩報政方山下卽此

張尚瑗曰方泰以此名鄉舊志稱其削成而四方意不謂然及從崇賢鄉南眺北麓狀如疊矩乃知命名之故又數里爲張公山巍然聳秀亦本山之支翼

興國縣志

卷之五

山川

四

大烏山在寶城鄉距縣北一百三十里高二十餘里北眺吉州城郭犁然在目宿山者四更觀日出朱丸瞳矐三躍三按乃上昇最高處曰登天坊三仙殿殿後石穴二名風洞雨洞深不可測山趾延袤東楓邊南茅坪西大龍北則廬陵涪化鄉境

張尚瑗曰登大烏山者楓邊爲東麓曰西林曰狐狸十八歇曰含風坳曰雷鼓嶺乃入石坊曰進步登天次登三仙殿殿東向設龔楊劉三人像皆衣僧服額曰重蜡報功鄒南皐先生所題也按重蜡報功額已廢殿前有三坊一曰永鎮江南文丞相天祥題一曰

烏山勝境鄒忠介元標題皆存一曰進步登天解學  
士縉題今圯殿後風洞雨洞今皆土石填塞意道里  
考是據山僧口述未嘗親履其境也

小烏山一名密石砦在寶城鄉距縣北一百里溪澗潺  
湲厓壁蒼秀以景從大烏爲義故名

白石山在寶城鄉距縣八十里山下有清風亭方石泉  
覆笥山在太平鄉距縣北八十里雲牕私志云昔涓子  
發石笥得秘書十二卷因以爲名山高二十餘里東望  
金精西眺芙蓉北接青原南瞰章貢爲一邑羣山之宗  
學宮縣治皆發脉於此上有平湖名鴈塘有石鴈每炎

輿國縣志

卷之五

山川

五

涼代謝則飛翥若候時焉向多靈草異物今皆湮蕪唯  
兩泉泓然紗帽峯馬鞍石諸勝錯落於南厓間相傳湖  
旁有小石笥藏玉牒記名山福地及得道人姓名云  
池源山在太平鄉距縣北三十里池口有南北二峽三  
十六坎深闕幽隱疑爲神物所宅洪武己卯大旱邑令  
唐子儀禱而有應爲文祭之

任山在太平鄉距縣北一百里山勢峭拔高數百仞世  
傳仙人任城居此故名

黃峯山在清德鄉距縣西北三十里與秦娥對峙上有  
朝陽巖

秦娥山一名白雲峯在清德鄉距縣西四十里歸聳獨出唐時有秦娥自楚來虔性至孝得道於此能致雲雨因以名山有東西二井及曬衣石衣影猶存里人立祠肖像祀之每三四年雷必一發其處知縣張尚瑗題額曰雷峯雲海有記

疊山在儒林鄉距縣西四十里山有社石狀如龜然羊山距縣西十五里高聳崇隆遙與贛邑鹿山相埒諺曰羊山觸鹿山伏巔有龍華寺拱向邑城山半有泉甚甘冽明邑令盛代與別駕唐邦佐有夏日游唱詩

按舊志稱爲陽山以衆山陰伏惟此山高拔故名又

輿國縣志

卷之五

山川

六

云寺側有隋煬帝祠李白碑張太史志林斥爲妄說惟盧公冠巖謂山以羊名象形也稽諸地讖庶幾不誣今仍之

蔣志

西山在西門外里許山皆石骨高下纏聯爲縣治西南屏障

上洛山在儒林鄉距縣西南四十里舊傳有木客自云秦時造阿房宮採木避隱於此食木實得不死能砍杉枋與人交關甚信不欺時就民間飲酒賦詩自稱太上隱者西京雜記云山上有石墨可書

龔公山在儒林鄉距縣西南三十里以隱士龔毫得名

界興贛兩邑之交

圓峯山在儒林鄉梅溪距縣三十里峯如端人正笏中  
峙平疇陟其巔蒼鬱蒼翠俯瞰梅溪竹樹桑麻各饒其  
勝

奇峯山在儒林鄉距縣二十里峭壁削成山麓有二巖  
絕頂有三仙殿

瑞山在儒林鄉桐林距縣南十五里橫踞溪旁爲一邑  
水口關鑰邑有登科者山土輒剝裂現鮮赭色土人呼  
爲掛榜山

九老峯在任山前九峯相連皆向任山

興國縣志

卷之五

山川

七

花嶺在太平鄉距縣東三十里三峯秀拔舊名筆架峯  
形家以爲木星

新開嶺在衣錦鄉距縣東四十五里當齊村赤墘之交  
東坑諸山在此過峽

蕭公嶺在衣錦鄉距縣東七十里

黃嶺在衣錦鄉距縣東一百三十里嶺高數里崇阪層  
岡皆茶漆竹木

槎嶺在寶城鄉距縣東北四十里上有觀音石臺

馬嶺爲縣北五嶺之一上極平曠可遠眺

大獲嶺在寶城鄉距縣北五十里兩面峻絕崖石諸山

在此過峽泉脉最旺環田三千餘畝悉資其潤  
福嶺舊名佛嶺在寶城鄉距縣北六十里上有石仙其  
石七孔以香置一孔諸孔煙皆騰起

鐵甌嶺在寶城鄉距縣北六十里高二里許兩山夾路  
蜿蜒委蛇至頂稍平曠有清風亭堪供憑眺

陳嶺在太平鄉距縣西北四十里嶺高數里背距泰和  
浪川洞二十里虔吉阨塞之地也

黃瓊嶺在清德鄉距縣西北五十里潛溪通衢

夕陽嶺在清德鄉距縣西五十里以縣之西鄙得名俗  
呼陽背嶺山麓有泉卽夕陽泉

典國縣志

卷之五

山川

八

君子嶺在清德鄉距縣西四十里有峯屹然端峙高聳  
雲中邑令張尚瑗常登眺賦詩

冕嶺在儒林鄉距縣西南二十五里方正如冕故名

西墩嶺在儒林鄉距縣西南三十里平圓軒敞山勢蜿  
蟠水泉甘冽有茂林飛瀑之勝

金雞冠嶺在縣西南里許岡巒起伏對峙城闈

陽坡嶺距縣南數百武形圓色瑩石骨嶙嶙俯瞰激濺  
呂太常茅亭知止軒營邱山房遺址均在其處

瑤岡在縣北里許劉槎翁詩瑤岡霧樹蒼卽此迤邐而  
西爲社稷壇



赤岡在縣北里許爲縣治龍左支護衛

殷富岡在清德鄉

榴岡距縣西南二百步舊有培春亭伐石爲臺雜蒔名卉見劉鴻記又有翫翠亭下臨曲澗水石淙然有聲見贛郡謝志今皆廢

敦邱在太平鄉距縣西北四十五里小邱五六形如覆盂光澤黝然邑令張尚瑗以敦邱名之鐫字於東峙之石壁壁高數尋廣十餘丈陂水注其下深窅不可測有天然魚樛焉驅鷓鴣入之往往得魚

獅子巖在靈山洞口兩山壁立一小徑達巖名一線天

輿國縣志

卷之五

山川

九

盧禪巖在金斗山岫舊傳盧禪面壁處一云盧冠巖所嘗遊下又有出米巖

重巖巖在靈山北折五里東西嵒岬對峙竇穴纍纍相綴屬如剖甃側立之狀舊名百間房知縣張尚瑗易今名鐫題東巖其西巖旁竅曰別有天府臨深澗

花橋巖在寶城鄉距縣二十里兩山對峙巖分爲二一居橋首中有僧舍神像一在山腰橫敞數十丈古松盤屈羣峯錯列

太平巖在衣錦鄉梅窖距縣一百六十里石竇寬敞深不可測

按郡志云在常清觀後內有石竈石人水臺竹橋之勝志林云梅窖巋然一石巖四圍皆平疇縱可三里廣不及一里有竇穴可容數百人

蔣志

東龕巖在縣東北十五里唐越國公鍾紹京讀書處舊有古寺崖前有試劍石中裂欲斷宛轉數曲翕然而合中有石罅水深成澗鑿石架棧行半里許劃然中開可容數百人所謂龕也崖前有石筍石舫筆架諸峯又折而東兩崖復合崖水自靈湖來有巨鯉帶銅環相傳是紹京所養元提舉滕賓明邑令唐子儀有東龕十景詩前令張尚瑗有記

興國縣志

卷之五

山川

十

對嵩巖在太平鄉高多距縣北四十里坡陀兩崑岫穴深廣可容數百人僧寺栖其中泉自巖頂來經石罅涓涓注巖內暑暘不涸巖頂平敞處號仙人碁盤其旁竅可偃僂而出俗名通天巖又名雙龍巖邑令張尚瑗以巖對臘石寨諸峯大小三十六合於嵩陽之數乃易今名鑄於石壁

伏猊巖亦名獅子巖在寶石距縣北五十里  
朝陽巖在黃峯山

定光巖在太平鄉距縣西北四十五里泉出石上  
三台巖在西門外距縣城一里清澗經其前三阜層起

磴級崩劣鑿石爲龕度方池架危閣俗名觀音巖明知縣何應彪有記

張尚瑗曰劉槎翁集三台山記稱縣西一里三峯蜿蜒由北折西西復折而南元末爲旌陽道院有放鶴看雲二亭故址無復識者以道里巖壑髣髴之知爲舊蹟無疑山頂之真武壇意卽記中所謂雷壇也

櫟樹巖在秦娥山麓林泉映發風景蕭爽

龍虎巖在儒林鄉程水距縣八里朱華對峙有石形如龍虎故名

修利巖在縣東北二十里

興國縣志

卷之五

山川

十一

五門洞在衣錦鄉崖壑幽深山勢迴抱如五門故名竹管洞在寶城鄉距縣東北一百里叢篁萬頃三十餘里無雜植民居皆以竹爲之水道東南流達於吉郡

按竹管洞孔志不載通志列巖洞之後贛郡張志繫於三陽磔下謂磔高三里許泉石飛迅積瀑成池方數畝構水榭臨其上巖居而川觀焉道里考序次竹管洞風景之美謂苞籜紛敷大皆盈拱綠映鬚眉居民編以爲垣俯仰承之爲瓦細桷大棗窻櫺戶樞皆是也食用之需鮮而菽乾而脯薪而炊陸則舁水則拊舟有筇橋有竿資其利以鬻於他境者如几榻管

箏簾扇之屬郡邑頗仰給焉

蔣志

寶石在太平鄉端圓屹立高數十丈頂甚平曠後有路委折而上俗傳文丞相奉玉璽避此諸山多震惟此凝然故名

張尚瑗曰寶石亦靈山之支派也鉅而臃腫者敦邱聳而尖銳者臘石寶石則既鉅且聳矣磊落數峯端圓並峙一名圓石舊志稱文信國奉玉璽至此又俗傳信國奉太后駐蹕寶石蛙聲徹夜太后苦之戲翦紙作柳分布田中蛙遂不鳴自後蛙項悉白鼃鳴之說稗乘所載極多番禺屈大均則以爲廣州之蹟松

興國縣志

卷之五

山川

三

江陶九成則以爲元仁宗答吉太后懷孟之祥按宋史端宗景炎元年十一月陳宜中張世傑奉帝及楊太后俱航海天祥復興國在二年四月慈元翟莛安得追隨於募兵轉戰間乎今核定都督行府卽鄒公寨在衣錦蓮花山熒惑羣言舉可廢矣

臘石在清德鄉距縣北三十里高數仞石筍攢矗矛戟森森瞻顧吁怪

石恰一名石龕在靈山之背兼有寶石臘石之勝而嶮怪過之

石箱石籠以形似名在太平鄉潛坑又有頭巾石

羅經石在衣錦鄉六十三都石上隱然具子午篆文故里人多習形家言

分龍石在衣錦鄉與雩交界處石形突起如二龍對卧故名

方石距縣東十五里形方類印

橫石在儒林鄉程水距縣南五里長數丈狀如倒笏橫亘江面

天橋石在大足鄉距縣十五里兩山對峙壁立千尋上有飛泉高百餘丈中有石橫過似橋故名

老人石在寶城鄉迴龍一石竝立如老人狀居其地者

興國縣志

卷之五

山川

三

多壽考

凝門寨在寶城鄉巍然特峙四面斗絕一徑紆迴陟其巔極寬平孤峯矗起爲望遠峯下開石洞居民昔嘗避寇於此

鯉公鯉婆兩寨在衣錦鄉相去十餘里鯉公寨直齊村之上赭峯刺天巉絕不可上鯉婆寨山頂平曠可容千人卽黃令惟桂招安張治妻處

跌水砦在衣錦鄉蓮塘之上瀑布懸崖數仞冬夏不竭

川

按興國諸水以激濺爲綱激濺旣合則名平川舊志

以爲江水至此漸平故名張損持太史謂自平川而下湍駛灘激未見平行之勢當由平陽平固得名其說是也然邑舊名澱江鎮是澱水又爲澱水經流此如虔州西有章水東有貢水章貢既合則名贛江而章水又爲貢水經流故江右曰章江也知江右之可名章江則知興邑之可名澱江矣此外又有自本境流入他邑者亦如萍鄉之水歸湖南長寧之水歸廣東通志皆得備載故並志之

蔣志

澱水發源衣錦鄉間團都上逕賽峯嶂二十里至小殊田與南村水會西行十里至江口墟前五里至衣錦

興國縣志

卷之五

山川

十四

砦有象牙灘灘下稍可通舟十里至上瀧匯木門嶺之水入焉五里至羅灘北轉十里至夜龍尖五里至鍾洲有百鳥灘十里至瀧上灘灘石盤互所謂石障也踰障復西流下有釣鈎灘十里至東村有六子灘豬牙灘二十里至槎口灘卽長信里五里至啞灘五里至瀧下水十里至紅石坑爲石門灘五里至獅陂灘

贛郡謝志作獅子灘云有

石竝立如獅

十里至瑞洲合澱

按蔡黃二志謂澱水發源盧公山孔志以爲上逕距盧公山七十里志林湖源上逕爲更有據又謂上逕之流甚小合蠟疊嶂之水始大遂謂澱水發源有二

夫發源之水安有不小何必因流之甚小遂謂其有二源耶茲從志林以出自桐林逕與寧都黃陂分界之水爲激江之源經流既定而其餘諸水皆以次附之蔣志

蠟疊嶂之水行十五里至杉團與杉溪水會二十里至江口墟入激

楊坑之水發源楠木坳至南村入激

上歸宗之水發源坪背由南村至壩子上入激

蓮花山墩壑發源之水由乾頭村入激

蓮花山五門洞發源之水由天源至劉村口入激

興國縣志

卷之五

山川

五

黃嶺發源之水經殊田至水口入激

洛團洛溪之水至衣錦砦入激

畝南發源之水由太陽逕至固口入激

盧公山之水發源太陽峯作二派其北流者詳後其南流者

由鍾洲經官田至長信入激

三寮發源之水經南社坵合梅窖水會中邦長嶺之

水至營前江木墩汎地入激孔志云會和睦坑耶源之水

觀音坳發源之水作二派有分龍石其南流者詳後其一遶

南而北至帳幕山與古石坳發源經蕭公嶺之水會

逆流三十里合鍾田水抵羅灘遶夜龍尖下入激

來頭逕之水發源大脚嶺由江背洞至水溝子入澗  
周嶺甲之水由江背洞入澗

赤勘之水由樟壩入澗

寶城鄉佛嶺發源之水至白埂洞與余溪水同會於  
城岡合大小獲水歷石澣頭至龍岡頭又與迴龍東  
坑鈞鈞逕諸水會同至長信入澗

槎嶺發源之水由水頭庄至槎口入澗

濊水發源太平鄉崇賢里覆筍山南流十里至功德山  
六里至東固口四里至陳坊一里至崇賢墟稍可通舟  
二十里至高多五里至新田十里至殷富十里至文溪  
興國縣志

卷之五

山川

六

過文興橋五里至塘石五里至上社七里至鳳凰庄二  
里至縣東門合澗其支流入濊者凡十有五  
寶石水出蕉嶺濊水過而受之

方太里方山發源之水由古徑至寶石繞高多入澗  
寶石方山下石園發源之水南流至陽村黃塘陂合  
小溪水過花橋遶秀陂至破逕入澗

破逕乾隆壬子  
年冲決成河故

道遂  
淤

六門發源之水由滴水磔至東固口入澗

楓坑發源之水由蜈蚣地過永興橋至陳坊入澗

分水坳發源之水作二派

西北泝  
者詳後

其南流者由早禾



田經長逕至藍陂入澱

黃田堡之水發源漆姿盪由潛坑歷長龍至藍陂入

澱志林云發源嚴坑

寶城鄉黃陂埠下馬嶺發源之水至東嶺過菖蒲逕

池源從中心壩入澱

萬礫塘發源之水北流遶牛嶺至大龍會覆筭山水

合流崇賢方太及高多至殷富入澱

清德鄉秦娥山發源西流之水由鰲源至教富與里

溪石橋水會經夕陽嶺至下鰲從歐口入澱蔡志云從澗口入

入澱

興國縣志

卷之五

山川

七

秦娥山發源東流之水由龍坪至龍下與羊牯碣水

會經綺岡至樣方從吾口入澱蔡志云羊牯碣水從歐口入

咸潭之水發源雞冠嶂由龍上至水口與里坳水會

同至口塘入澱

小春澗水發源黃峯山由麻坑至文溪入澱按蔡黃二志皆

云黃田水自縣西小春澗流至學後龍山右始成溪志林亦謂小春澗水從黃田發源數十里東注道於通津橋下西壕水與之合流遶南闌以入澱孔志則改為小春水自蓼塘至下渡出木逕過西門通津橋俱與今所考水道不合姑附記於此

背岡下之水由城岡至文溪入澱

南箬之水左自佛祖山發源右自務坑發源同至僂

口入濊

平川在縣城東南合激濊二水南行五里至春口壩稍東復折而西十餘里至龍沙灣轉而南十五里至石窖灘三里至楓兜入贛縣境九十里至興國江口贛郡謝志張志俱作平與貢水合又六十里至贛州府城與章水合固江口清德鄉務坑之水由木逕至西門白雲菴橋下又過通津橋繞三台巖前至南門廣志橋入平川大足鄉荷嶺嶺發源之水至荷樹陂與上下龍窰下水會經羊山至大禾場出桐塘口又與蓼塘下渡水會同過務本橋東折至德星橋入平川

興國縣志

卷之五

山川

六

儒林鄉西江之水發源寶華坳由梨樹下至馬良與大小船沙洲背諸水會同至梅溪出蕉田從廖屋溪入平川

桐林之水發源山田至清溪瑞山入平川

龍沙之水左自烏仙塢發源右自均嶺發源同至官橋入平川

燕山之水發源上下坪由小賚都田老橋至石窖塘汎入平川

以上諸水皆激濊以外之支流激濊既合故以平川統之

各鄉水不入激湫流注鄰邑者十有一  
衣錦鄉觀音坳分龍石之水其南流者十里至橋頭  
墟入雩都境

盧公山太陽峯發源之水其北流者二十里至雄口  
入永豐境

寶城鄉佛嶺之水其北流者五里至白石十里至竹  
管洞二十里至青森埂入廬陵境

密石箬坑方坑之水同至楓邊入廬陵境

太平鄉覆笥山發源之水其北流者十里至大龍五  
里至羅坑入廬陵境其東流者七里至豬嶺五里入

興國縣志

卷之五

山川

九

廬陵境其西流者十里至龍潭口十里至蕉石五里  
入泰和境

嚴灘之水二十里至白羊坳與分水坳西北流水會  
入泰和境

齊分上下北坑之水流至上面入泰和境

大足鄉均村之水發源西陽山十里至黃泥坑

志林作黃

連連十里至東山下與大章貢水會十里至合溪口又

與萬安平西水會過羅田墩至石陂潭又與逕口水  
會同過萬興橋入萬安境

山坑之水發源上逕坳十里至麒麟隘與長響水

五里至石下五里至半逕入萬安境

長信瀧在縣東二十五里狂瀾奔駛聲吼如雷俗呼上曰啞灘以舟過禁聲也下曰泥灘以深不可測也

仙女潭靈山之支脉也廣數丈巔際洞開遙接青冥瀑從山頂奔騰歎薄其下深黝無底相傳神物隱現禱雨輒應張尚瑗有記

龍王潭在縣南半里許涯涘深濶相傳下有龍窟漁人入水嘗見底有石竇一石突出江心

珠波潭在濊江渡數武潭影澄澈有石如盤人多沐浴其上

興國縣志

卷之五

山川

三

墨潭在東龕石峽潭口如井水色若墨上有飛泉瀉下深不可測又甕潭亦在東龕

龍潭二一在清德鄉磔下瀑布高瀉聲如鳴鉦一在衣錦鄉三寮名汾水龍潭

塘陂潭在清德鄉距縣北三十里濊水至此迤邐數十里停蓄成泓廣數畝深不可測上有釣臺石圓廣平敞可容數十人折而西二里許至湖埠又瀧為潭深廣相埒

蛟湖在南門外里許春口壩之陰兩湖相連其深莫測平地為瀧源流不通中有巨魚食之多禍今沙塞

靈湖在縣東二十里水清澈潄於東龕巖下  
仰湖卽靈山玉珠泉漢出山頂禱雨有應

萬磔龍泓在寶城鄉距縣北九十里石磔嶽奇人跡所  
絕懸崖飛瀑高數十丈蜿蜒奔注而下夏雪晴雷洞賦  
耳目積水成泓周廣可里許原名龍湖知縣張尚璠易  
今名鐫於石有記

洗心泉在金斗山盧公巖前仰出石上暑暍不絕

靈泉在羊山龍華寺側有仙人伏地飲之跡